

PROVINCE OF THE NORTHERN CAPE

PROFENSI YA KAPA-BOKONE



DIE PROVINSIE NOORD-KAAP

IPHONDO LOMNTLA-KAPA

Provincial Gazette
Kasete ya Profensi

iGazethi YePhondo
Provinsiale Koerant

(Registered as a newspaper) (As 'n nuusblad geregistreer)

Selling Price • Verkoopprys: R1,50
Other countries • Buitelands: R1,95

Vol. 8

KIMBERLEY, 11 JUNE 2001
JUNIE

No. 619

Which includes / Waarby ingesluit is—

A

PROCLAMATIONS
PREMIER'S NOTICES
OFFICIAL NOTICES
GENERAL NOTICES


PROKLAMASIES
PREMIERSKENNISGEWINGS
OFFISIËLE KENNISGEWINGS
ALGEMENE KENNISGEWINGS

B

MUNICIPAL NOTICES
TENDERS

MUNISIPALE KENNISGEWINGS
TENDERS

We all have the power to prevent AIDS



Prevention is the cure

AIDS
HELPUNE

0800 012 322

DEPARTMENT OF HEALTH

CONTENTS • INHOUD

<i>No.</i>		<i>Page No.</i>	<i>Gazette No.</i>
OFFICIAL NOTICES • OFFISIËLE KENNISGEWINGS			
19	Northern Cape School Education Act, 1996: Merger of St Augustine and Holy Rosary Primary Schools	3	619
20	do.: Closure of the Rouxville Primary School	3	619
21	Noord-Kaap Onderwyswet, 1996: Sluiting van Rouxville Primêre Skool	3	619
ALGEMENE KENNISGEWING			
33	Wet op Landelike Gebiede (Raad van Verteenwoordigers (9/1987): Nama Khoi Munisipaliteit: Bestuur, beheer en beskerming van weivelde	3	619

OFFICIAL NOTICES • OFFISIËLE KENNISGEWINGS

OFFICIAL NOTICE 19 OF 2001

DEPARTMENT OF EDUCATION
NORTHERN CAPE PROVINCE

MERGER OF ST AUGUSTINE AND HOLY ROSARY PRIMARY SCHOOLS

I, the undersigned Tina Monica Joemat-Pettersson, Member of the Executive Council for Education, Northern Cape hereby give notice in terms of Section 48(1) of the Northern Cape School Education Act, 1996, that with effect from 1 June 2001 the St Augustine Primary School and Holy Rosary Primary School will be merged into a single school.

The merged school will henceforth be known as Okiep Primary School.

Ms T M JOEMAT-PETTERSSON

MEC: Education

OFFICIAL NOTICE 20 OF 2001

DEPARTMENT OF EDUCATION NORTHERN CAPE
CLOSURE OF THE ROUXVILLE PRIMARY SCHOOL

Under section 90 of the Northern Cape Education Act No. 6 of 1996, I, Mrs Tina Monica Joemat-Pettersson, M.E.C. for Education, Northern Cape, hereby declare the closure of the Rouxville primary school with effect from 1 January 2002.

MRS T M JOEMAT-PETTERSSON

Member of the Executive Committee: Department of Education, Northern Cape

OFFISIËLE KENNISGEWING 20 VAN 2001

DEPARTEMENT VAN ONDERWYS NOORD-KAAP
SLUITING VAN ROUXVILLE PRIMÊRE SKOOL

Ingevolge Artikel 90 van die Noord-Kaap Onderwyswet No. 6 van 1996, verklaar ek, Mev Tina Monica Joemat-Pettersson, L.U.R. vir Onderwys, Noord-Kaap, die sluiting van die Rouxville primêre skool met ingang van 1 Januarie 2002.

MEV T M JOEMAT-PETTERSSON

Lid van die Uitvoerende Raad, Departement van Onderwys, Noord-Kaap

ALGEMENE KENNISGEWING

KENNISGEWING 33 VAN 2001

NAMA KHOI MUNISIPALITEIT
MUNISIPALE KENNISGEWING

REGULASIES KRAGTENS DIE WET OP LANDELIKE GEBIEDE (RAAD VAN VERTEENWOORDIGERS), 1987 (WET 9 VAN 1987), DIE WET OP MUNISIPALE STRUKTURE, WET 117 VAN 1998 EN DIE WET OP MUNISIPALE STELSELS, WET 32 VAN 2000, VIR DIE BESTUUR, BEHEER EN BESKERMING VAN WEIVELDE EN GRONDE WAT BY DIE MUNISIPALITEIT BERUS OF DEUR DIE MUNISIPALITEIT BEHEER WORD

Aangesien:

Die Munisipaliteit vir die Gebied van Nama Khoi (hierna genoem die Munisipaliteit) met ingang vanaf 5 Desember 2000 ooreenkomstig artikel 12 van die Wet op Munisipale Strukture en kragtens Provinsiale Kennisgewing 28 van 2000, gedateer 22 September 2000, ingestel is om die area soos afgebaken te bestuur en te beheer, met dien verstande dat die gebiede van "Steinkopf" soos geproklameer kragtens Proklamasie No. 53 van 1912 en No. 94 van 1962 "Concordia" soos geproklameer kragtens Proklamasie No. 53 van 1912 en "Komaggas" soos geproklameer kragtens Proklamasie No. 53 van 1912 en No. 333 van 1960, vir die durasie van die Transformasie van Sekere Landelike Gebiede, Wet No. 94 van 1998, "oorgangs tydperk en/of tot en met die afskaffing van Wet 9 van 1987, kragtens die bepalings van Wet 9 van 1987 en regulasies daarkragtens uitgevaardig, in terme van Wet 9 van 1987 bestuur sal word, maar dat die ander gebiede binne die regsgebied van die Munisipaliteit in terme van Wetgewing van toepassing op munisipaliteite in die algemeen bestuur sal word:

Herroep die Munisipaliteit hiermee kragtens artikel 27 van die Wet 9 van 1987, met betrekking tot "Steinkop", die regulasies uiteengesit in die Bylae tot Goewermentskennisgewing R. 1864 van 4 September 1981;

met betrekking tot "Concordia" die regulasies uiteengesit in die Bylae tot Goewermentskennisgewing R. 192 van 1 Februarie 1985 en die verdere wysiging regulasies soos uiteengesit in die Bylae tot Goewermentskennisgewing R. 281 van 21 Februarie 1986; en

met betrekking tot "Komaggas" die regulasies uiteengesit in die Bylae tot Goewermentskennisgewing R. 1986 van 11 September 1987; en

Herroep die Munisipaliteit hiermee kragtens die bepalinge van die Wet op Munisipale Stelsels, Wet 32 van 2000, met betrekking tot "Springbok Munisipaliteit", die regulasies 1/S Dorpsgronde en Weivelde, P.A.K. 18/1944 gedurende 20 Januarie 1944 opgestel kragtens Ordonnansie 10 van 1912, soos gewysig;

met die goedkeuring verleen deur die LUR van Plaaslike Regering en Behuising van die Provinsie Noord-Kaap, synde die bevoegde gesag soos bedoel in die Presidensiële Proklamasie No. R. 154 van 31 Oktober 1994 (hierna genoem die LUR); en

vaardig die Munisipaliteit hiermee, beide in terme van Artikel 27(42), (60), (61) en (62) van die Wet 9 van 1987 en Hoofstuk 3 van die Wet op Munisipale Stelsels, Wet 3 van 2000, die Bylae en Aanhangsel hiervan uiteengesit:

BYLAE

NAMA KHOI MUNISIPALITEIT

WEIDINGSREGULASIES

INHOUDSOPGAWE:

1. WOORDOMSKRYWINGS
2. SLEUTELBEPALINGS

HOOFSTUK I: BEVOEGDHEDE EN VERPLIGTINGE VAN DIE MUNISIPALITEIT

3. INLEIDING
4. BESTUUR VAN DIE MEENT, DELEGASIE VAN MAGTE EN MEENTBESTUUR OP 'N AGENTSKAPSBASIS
5. OORWEGING VAN MEENTKOMITEE AANBEVELINGS
6. BEGROTING EN BESTUURSPLAN
7. SLUIT VAN WEIDINGS OOREENKOMSTE
8. WEIDINGSREGISTER
9. VASSTELLING VAN 'N ALGEMENE MAKSIMUM GETAL VEE PER INDIVIDUELE MEENTGEBRUIKERS
10. BEHEER VAN VEEGETALLE EN TOEGANG VAN VEE TOT KAMPE EN GEBIEDE IN DIE ALGEMEEN
11. BEGINSEL VAN BILLIKHEID
12. KRITERIA VIR DIE TOELATING VAN GEBRUIKERS, DIE BEPALING VAN VEEGETALLE PER GEBRUIKER EN BEPALING VAN VEEGETALLE IN DIE ALGEMEEN
13. MUNISIPALITEIT SE MEENT INSTANDHOUDINGS VERPLIGTINGE
14. VASSTELLING EN INVORDERING VAN INSTANDHOUDINGSFOOIE EN DIE PROSEDURE VIR VERHOGING
15. BOEKHOUDING, VERSLAE EN BESKIKBAARSTELLING VAN REKORDS
16. SPESIALE STAPPE
17. WYSIGINGS
18. OPPERVLAK-HUUR EN MYNBOU
19. AFDWINGING EN GESKIL BESLEGTING

HOOFSTUK II: VERPLIGTINGE EN BEVOEGDHEDE VAN MEENT GEBRUIKERS EN VOORWAARDES VIR MEENTGEBRUIK:

20. VEE REGISTRASIE, SLUIT VAN WEIDINGSOOREENKOMSTE EN MERK VAN VEE
21. VEEGETALLE
22. VERBOD OP "ONDERVERHURING"
23. AFSONDERING VAN KAMPE
24. STRUKTURE OP DIE MEENT
25. PAAIE, ROETES EN TOEGANG
26. OPTREDE OP DIE MEENT WAT GOEDKEURING VEREIS
27. VERPLIGTE BEHEER VAN SEKERE DIERE

28. INBRING VAN VEE VAN BUITE DIE MUNISIPALE REGSGEBIED
29. VERBOD OP DWARSBOMING EN VERHINDERING
30. STRAF BEPALINGS: OORTREDING OF VERBREKING VAN WEIDINGSOOREENKOMS
31. REGTE VAN INWONERS

1. WOORDOMSKRYWINGS

"bestuur" sluit die administrasie, beheer, toekenning, instandhouding, ontwikkeling en bewaring van die Meent en infrastruktuur ooreenkomstig die Bestuursplan in;

"bestuursplan" 'n Vyf jaar plan vir die Bestuur van die Meent wat sal deel vorm van en voldoen aan die vereistes van 'n Geïntegreerde Ontwikkelings Plan, soos uiteengesit in die Wet op Munisipale Sisteem, Wet 32 van 2000 en soos verder bepaal in klousule 6;

"departementele voorskrifte" voorskrifte uitgevaardig deur die Departement van Landbou in terme van artikel 5 van die Wet op Veebrandmerke, Wet 87 van 1962 en artikel 7 van die Wet op die Bewaring van Landbouhulpbronne, No. 43 van 1983, aangaande die artikel 6 beheermaatreëls wat ondermeer betrekking het op: (h) weidings kapasiteit van veld uitgedruk as 'n oppervlakte veld per grootvee eenheid; en (i) die maksimum getal en die soort diere wat op veld aangehou mag word;

"inwoner" hierdie regulasies is van toepassing op twee tipes "inwoners"—

- (a) persone van Concordia, Komaggas of Steinkopf wie se regte tans of te enige tyd vasgestel was deur die Wet op Landelike Gebiede, Wet 9 van 1987 en welke regte later bepaal was kragtens die Wet op die Transformasie van Sekere Landelike Gebiede, Wet 94 van 1998 en soos uiteengesit in paragraaf 10B van die artikel 12 Munisipale Stigtings Kennisgewing soos gepubliseer in terme van die Wet op Munisipale Strukture, Wet 117 van 1998;
- (b) 'n persoon wat gewoonlik woonagtig is binne die regsgebied van die Nama Khoi munisipaliteit en wie geen regte tot toegang op die Concordia, Komaggas of Steinkopf meentgronde het nie;

"Meent" is die gebiede binne die regsgebied van die Nama Khoi munisipaliteit wat vir weidingsdoeleindes aan lede van spesifieke groepe van die Nama Khoi gemeenskappe beskikbaar gestel is soos hieronder beskryf:

"Concordia Meent" is die gebied wat vir die voordeel van die Concordia gemeenskap bestuur word in terme van hierdie regulasies. Die gebied bestaan uit: Erf 125, Concordia (die Wet 9 van 1987 landelike gebied), en die volgende plase; Gedeelte 1 van die plaas Heirorigas No. 49, Restant van gedeelte 1, Gedeelte 2 en die restant van die plaas Koisabes No. 478, Gedeelte 1 en restant van die plaas Kabib No. 50, Restant van die plaas Kontorogab No. 72, Restant van gedeelte 1 van die plaas Kweekfontein No. 73 (beskikbaar gestel in terme van die Regering se Grondhervormingsprogram);

"Komaggas Meent" is die gebied wat vir die voordeel van die Komaggas gemeenskap bestuur word in terme van hierdie regulasies. Die gebied binne die regsgebied van die Munisipaliteit bekend as Gedeelte 5 van plaas No. 200 Komaggas waarop Wet 9 van 1987 van toepassing is (en na afskaffing, was), en die volgende plase; Gedeelte 1 en restant van die plaas Witbergs Kloof No. 186, Gracesputs No. 201, Kowikam No. 313, Restant van die plaas Plat Vley No. 314 en gedeeltes 1 en 2 van die plaas Sannaggas No. 269 wat vir die Komaggas gemeenskap beskikbaar gestel was deur die Regering se Grondhervormingsprogram;

"Steinkopf Meent" is die gebied binne die regsgebied van die Munisipaliteit bekend as die restant van plaas No. 22 Steinkopf waarop Wet 9 van 1987 van toepassing is (en na afskaffing, was), en die volgende plase; Breekhoorn No. 159, Restant van die plaas Oonab No. 52, Restant (Beenbreek) en Gedeelte 1 van die plaas Noisabes No. 51, Nakanas No. 171, Gedeelte 1 van die plaas Gembok Vlei No. 158, Gedeelte 3, Gedeelte 2, restant en restant van gedeelte 1 van die plaas Meidjes Karroo No. 179, Gedeelte 1 van die plaas Meidjes Karroo No. 191, gedeelte 1 en restant van die plaas Droogekraal No. 180, Steenbok No. 165, Plaas No. 166; Taaibosmond No. 580, Gedeelte 2 (Nachas) Ou Taaibosmond No. 66, Restant Meidjes Karroo Reserve No. 191, wat vir die Steinkopf gemeenskap beskikbaar gestel was deur die Regering se Grondhervormingsprogram;

"Springbok Meent" en enige verdere meentgronde binne die regsgebied van die Munisipaliteit wat deur die Munisipaliteit aangeskaf word. Tans bestaande uit Gedeelte 1 van die plaas Spionkop No. 97, Gedeelte 1 van die plaas Koams Bult No. 82 en Gedeelte 17 van die plaas Mesklip No. 259;

"Meentgebruiker" is 'n persoon wie in terme van hierdie regulasies geregtig is om die Meent te gebruik;

"Meentkomitee" 'n Meent bestuursliggaam, gestig kragtens 'n grondwet en wat bestaan uit verteenwoordigers van die Munisipaliteit, demokraties verkose meentgebruikers en verteenwoordigers van enige ander relevante owerheid (bv. Dept. van Landbou);

"Munisipaliteit" die Nama Khoi Munisipaliteit of sy opvolgers in titel en gevolmagtigde Munisipaliteitslede, beamptes en werknemers van die Munisipaliteit;

"Regulasies" hierdie regulasies;

- "skriftelike kennisgewing"** kennisgewings wat in terme van die Regulasies deur die Munisipaliteit uitgevaardig is en, op die kennisgewing bord van die Munisipaliteit, op 'n ooglopende plek en sodanige ander plekke binne die regsgebied soos deur die Munisipale Bestuurder bepaal, aangebring word;
- "toelatings kriteria"** faktore wat in ag geneem sal word en die vereistes vir die toelating van persone om die Meent of sekere gedeeltes van die Meent te gebruik soos uiteengesit in klousule 12 en die Bestuursplan;
- "weidings-ooreenkoms"** 'n skriftelike ooreenkoms aangegaan tussen elke individuele meentgebruiker en die Munisipaliteit om die Meent vir weidings doeleindes te gebruik ooreenkomstig hierdie Regulasies;
- "weidingsreglster"** die register wat deur die Munisipaliteit in stand gehou soos uiteengesit in klousule 8.

2. SLEUTELBEPALINGS

- 2.1 Geen persoon mag vee op die Meent aanhou nie, tensy dit aangeheg word ooreenkomstig die bepalinge van hierdie Regulasies nie en verder, tensy die Meentgebruiker 'n Weidingsooreenkoms met die Munisipaliteit gesluit het.
- 2.2 'n Veewagter wie se vee onder die naam van sy werkgewer geregistreer is en wie se vee saam met sy werkgewers s'n op die Meent loop mag nie meer as 20kve aanhou nie. Veewagters wat meer as 20 kve aanhou moet as 'n veeboer registreer en sal verantwoordelik wees vir die betaling van instandhoudingsfooie vir daardie vee.
- 2.3 Vir die doeleindes van hierdie Regulasie sal een grootvee eenheid (Gve) gelyk wees aan 6 kleinvee eenhede (Kve).
- 2.4 Meentgebruikers sal slegs aanspreeklik wees vir die registreer van vee en betaling van instandhoudingsfooie vir vee wat ouer as ses maande is.
- 2.5 Daar bestaan nie meer 'n vry kwota nie en alle Meentgebruikers is verplig om 'n instandhoudingsfooie te betaal vir elke stuk vee op die meent.
- 2.6 Nuwe boere moet eers aansoek doen om te boer voordat hulle vee aankoop en die Munisipaliteit sal geregtig wees om hierdie aansoeke af te keur as die Meent nie die kapasiteit het om verdere boere te akkomodeer nie.

HOOFSTUK I: BEVOEGDHEDE EN VERPLIGTINGE VAN DIE MUNISIPALITEIT

3. AANHEF

Aangesien die Munisipaliteit kragtens die Grondwet van die RSA en ander wette verplig is om ontwikkelings, regstellende aksie en ander verpligtinge na te kom met in agneming van sy bronne, die behoeftes van die Inwoners.

Aangesien die Munisipaliteit hiermee stappe neem om voldoende voorsiening te maak, soos bedoel in artikel 3 (2) van Wet 94 van 1998, vir—

Die sekerheid van besittingsregte en beskerming van gebruiksregte van Inwoners onderling, die huidige gebruikers en toekomstige gebruikers; en

die in agneming van die openbare belang van toegang tot grond op die Meent en die voortbestaan of beëindiging van enige bestaande reg of belang van 'n persoon in die Meent; en

die Bestuur van die Meent op 'n deelnemende en, ekonomies, sosiaal en omgewings volhoubare wyse ooreenkomstig die bepalinge van hierdie Regulasies, die Bestuursplan en toepaslike wette.

Word die Munisipaliteit hierkragtens verbind om:

4. DELEGASIE VAN MAGTE EN MEENTBESTUUR OP 'N AGENTSKAPSBASIS

tot die mate waartoe die Munisipaliteit bevoeg is, in die geheel, of gedeeltelik:

- 4.1 Bestuurs funksies te deleger ooreenkomstig die bepalinge van artikel 32 van die Wet op Munisipale Strukture Wet 117 van 1998 aan komitees en interne funksionariesse, en/of
- 4.2 'n liggaam (soos die Meentkomitee) of individue aan stel in terme van die Wet op Munisipale Stelsels, Wet 32 van 2000 om die Bestuur van die Meent te behartig.

5. OORWEGING VAN MEENTKOMITEE AANBEVELINGS

- behoudens klousule 4.1 delegasies en/of klousule 4.2 aanstellings, aanbevelings van die Meentkomitee te oorweeg aangaande die uitvoering van die Munisipaliteit se verpligtinge en bevoegdhede hierin uiteengesit en om nie aanbevelings onredelikerwys te verwerp nie, met dien verstande dat die Munisipaliteit nie verplig is om eers aanbevelings van die Meentkomitee te oorweeg alvorens die Munisipaliteit stappe teen persone neem wat in breuk van hierdie Regulasies oortree nie.

6. BEGROTING EN BESTUURSPLAN

Om 'n afsonderlike jaarlikse Meentbegroting op te stel waarin voorsiening gemaak word vir die volgende:

BEGROTING:

Administratiewe koste (vervoer, skryfbehoeftes, komitee kostes, wetstoepassing, ens); kapitaal uitlegte en infrastruktuur, instandhouding,

BESTUURSPLAN—

- 6.1 die Meent te Bestuur vir weidingsdoeleindes kragtens 'n Bestuursplan wat deur die Meentkomitee in samewerking met die Munisipaliteit en die Provinsiale Departement van Landbou, opgestel is;
- 6.2 die plan sal deel vorm van en voldoen aan die vereistes van 'n Geïntegreerde Ontwikkelings Plan, soos uiteengesit in die Wet op Munisipale Stelsels, Wet 32 van 2000—
 - 6.2.1 Met dien verstande dat die plan so spoedig moontlik opgestel sal word en dat die Munisipaliteit nie sal wag totdat dit verplig is om dit te doen in terme van die gemelde wetgewing nie; en,
 - 6.2.2 Met dien verstande verder, dat die feit dat 'n Bestuursplan nog nie aanvaar is nie, geensins die Munisipaliteit sal kortwiek met die uitoefening van sy magte, bevoeghede en nakoming van verpligtinge in terme van hierdie Regulasies of andersins nie.
- 6.3 Die Bestuursplan sal ondermeer die volgende in sluit:
 - 6.3.1 'n Beskrywing van die grond, die groottes daarvan en enige titel akte of ander afdwingbare voorwaardes wat die toekening en gebruik van die onderskeie stukke grond bepaal;
 - 6.3.2 'n bate register waarin die infrastruktuur op die Meent beskryf word en 'n kaart(e) waarop dit aangedui word;
 - 6.3.3 'n Program vir—
 - 6.3.3.1 instandhouding en ontwikkeling van infrastruktuur;
 - 6.3.3.2 die administrasie van die Meentbestuur stelsel;
 - 6.3.3.3 die instandhouding van die weivelde deur voorsiening te maak vir wisselweiding en sluiting van kampe of gedeeltes van die Meent en die vasstelling van kampe en gebiede vir gebruik deur sekere gebruikers—en kampe vir sekere gebruike;
 - 6.3.3.4 stappe wat geneem moet word, die proses wat gevolg moet word met gereelde tussenposes en die faktore wat in ag geneem moet word vir die vasstelling van Vee getalle in kampe en gebiede en vir die vermindering van Vee;
 - 6.3.4 die faktore wat in ag geneem moet word vir die bepaling van die Munisipaliteit se jaarlikse Meentbestuur Begroting; en die vereistes waaraan dit moet voldoen.
 - 6.3.5 die vereistes waaraan Meentkomitee bestuurs verslae moet voldoen; welke verslae met redelike tussenposes soos deur die Munisipaliteit, na oorweging van aanbevelings deur die Meentkomitee bepaal;
 - 6.3.6 die faktore wat in ag geneem moet word vir die berekening en vasstelling van 'n Instandhoudings fooi per kleinvee en grootvee eenheid.

7. SLUIT VAN WEIDINGS OOREENKOMSTE

Weidingsooreenkomste te sluit met individuele Meentgebruikers, die oorspronklike ooreenkoms te bewaar en gebruikers van 'n afskrif te voorsien.

8. WEIDINGSREGISTER:

- 8.1 'n Weidingsregister op te stel en in stand hou waarin 'n opgawe gegee word van die inligting soos in die Weidingsooreenkomste vervat ten tyde van die sluiting daarvan en die verdere inligting weer gegee word aangaande: die verandering in veegetalle, verhoging van instandhoudingsfooie, verlenging van weiperiodes, verandering van weigebiede of kampe.
- 8.2 Die Weidingsregister beskikbaar te stel ter insae aan die Meentkomitee en Meentgebruikers.

9. VASSTELLING VAN 'N ALGEMENE MAKSIMUM GETAL VEE PER INDIVIDUELE MEENTGEBRUIKERS

'n Algemene maksimum getal vee te bepaal wat per Meentgebruiker aangehou mag word vas te stel en te wysig en om stappe te neem om die vasstellings af te dwing.

10. BEHEER VAN VEEGETALLE EN TOEGANG VAN VEE TOT KAMPE EN GEBIEDE IN DIE ALGEMEEN

— ooreenkomstig die bepalings van die Bestuursplan of Departementele Voorskrifte en kragtens Skriftelike Kennisgewing en om die plek waar en die getal vee wat ooreenkomstig 'n Weidingsooreenkoms toegelaat is, te verminder of kampe of gebiede af te sonder en vir weidingsdoeleindes te sluit.

11. BEGINSEL VAN BILLIKHEID

Inwoners op 'n billike en gelykmatige manier te behandel. Die Munisipaliteit word egter nie verhoed om te onderskei tussen individuele Inwoners of groepe Inwoners nie—Met dien verstande dat 'n *bona fide*-poging aangewend sal word om oëskynlike onbillikhede uit te skakel: Met dien verstande verder dat die Munisipaliteit die reg het en verplig is om voorkeur toegang te verleen aan persone wat arm en minderbevoorreg is en aan vroue.

12. KRITERIA VIR DIE TOELATING VAN GEBRUIKERS, DIE BEPALING VAN VEEGETALLE PER GEBRUIKER EN BEPALING VAN VEEGETALLE IN DIE ALGEMEEN

- 12.1 Van tyd tot tyd Skriftelike Kennisgewing te gee van die toelatings Kriteria wat in aanmerking geneem sal word tydens die oorweging van nuwe aansoeke vir die gebruik van die meent—met dien verstande dat—
die Munisipaliteit die bevoegdheid het om die kriteria soos hieronder bepaal, verder te omskryf en vas te stel in terme van die Bestuursplan;
verskillende kriteria vir die gebruik van verskillende gedeeltes van die Meent en met betrekking tot verskillende Meentgebruikers of klasse of groepe Meentgebruikers te bepaal—mits dit gedoen word onderhewig aan die beginsel van Bilikheid soos te klousule 11 uiteengesit, en verder onderhewig aan die Munisipaliteit se reg en verpligting om voorkeur toegang te verleen aan persone wat arm en minderbevoorreg is en aan vroue.
- 12.2 Tydens die oorweging van aansoeke vir die gebruik van die Meent, of bepaalde gedeeltes van die Meent die vasstelling van 'n getal vee per Meentgebruiker en die vasstelling van veegetalle in die algemeen, die volgende faktore in aanmerking te neem:
- 12.2.1 Die kapasiteit van die Meent aangaande volhoubare benutting, wat ondermeer die volgende insluit: die beskikbaarheid, toestand en drakrag van die gedeelte weiveld waarvoor aansoek gedoen word, die beskikbaarheid van infrastruktuur en toestand daarvan, die hoeveelheid vee wat reeds in die kamp of gebied is.
- 12.2.2 Die kapasiteit van aansoeker om te boer, wat ondermeer die volgende insluit kwaliteit van vee: beskikbaarheid van vervoer of reëling in die verband as die weivelde ver geleë is; beskikbaarheid van veewagters.
- 12.2.3 Die behoefte van die aansoeker, wat ondermeer die volgende insluit: aantal vee wat die aansoeker op die Meent het en andersins; toegang tot Meent grond en ander grond en die tipe en grootte van die grond (saailande, besproeiingsgronde); ander bronne van inkomste; inligting omtrent afhanklikes; die geslag en ouderdom van die aansoeker.
- 12.2.4 Die status van die aansoeker, wat ondermeer die volgende insluit inwoner status in terme van 'n spesifieke gedeelte van die meent; huidige of nuwe gebruiker, periode van huidige of vorige Meent gebruik; geskiedenis van nakoming van Meent verpligtinge.
- 12.3 'n Aansoek vorm op te stel wat deur 'n aansoeker voltooi moet word waarin die inligting omtrent die gemelde en ander tersaaklike faktore verskaf word.

13. MUNISIPALITEIT SE MEENT INSTANDHOUDINGS VERPLIGTINGE

- 13.1 Die Infrastruktuur op die Meent, ooreenkomstig die bepalinge van die Bestuursplan en die Munisipaliteit se Meent Bestuurs begroting en beskikbare fondse, in stand te hou en te ontwikkel.
- 13.2 Om binne 'n redelike tyd, stappe te neem vir die herstel van voorsiening van dringende en essensiele dienste, soos byvoorbeeld water.
- 13.3 Om indien die Munisipaliteit versuim om essensiele dienste in 'n behoorlike toestand te onderhou en te herstel binne die begroting en beskikbare fondse, sal 'n meentgebruiker en of die Meentkomitee geregtig wees om regstappe teen die Munisipaliteit in te stel.

14. VASSTELLING EN INVORDERING VAN INSTANDHOUDINGSFOOIE EN DIE PROSEDURE VIR VERHOOGING

- 14.1 Instandhoudingsfooie per kleinvee eenheid per jaar van tyd tot tyd vas te stel aan die hand van die uitgawes verbonde aan die Bestuur van die Meent, binne die raamwerk van die Bestuursplan, die Munisipaliteit se Meent Bestuur Begroting en die bepalinge van die Wet op Munisipale Strukture.
- 14.2 Instandhoudingsfooie van tyd tot tyd te wysig na verstrekking van redes aan en die aanhoor van besware van Meentgebruikers, in te vorder, kwitansies uit te reik en betalings te notuleer in die Weidingsregister.
- 14.3 Die aanvanklike maandelikse instandhoudingsfooie is soos in die Aanhangsel tot die Regulasies uiteengesit.

15. BOEKHOUDING, VERSLAE EN BESKIKBAARSTELLING VAN REKORDS

- 15.1 'n Aparte stel boeke te hou vir die instandhouding van die Concordia, Komaggas, Springbok en Steinkopf Meentgronde waarin alle inkomste en uitgawes betreffende meent instandhouding uiteengesit word.
- 15.2 Ooreenkomstig die vereistes van die Bestuursplan 'n jaarlikse Meent Bestuur begroting te aanvaar vir elkeen van die 4 Meentkomitees.
- 15.3 Die 4 Meentkomitees te voorsien van maandelikse finansiële state van inkomste en uitgawes betreffende meent Bestuur.
- 15.4 Om die Meentkomitee se skriftelike jaarverslag, opgestel volgens die bepalinge van die Bestuursplan, tydens 'n Munisipaliteitsvergadering ter tafel te lê vir bespreking, oorweging en aanvaarding—met dien verstande dat indien die Meentkomitee versuim om die verslag op te stel, sal die Munisipaliteit die verslag opstel.

- 15.5 Om die registers, rekords, boeke en verslae aangaande die Meent Bestuur en instandhouding op redelike tye en op versoek, aan lede van die Meentkomitee en inwoners wat 'n belang by die Bestuur van die Meent het, by die Munisipaliteit se kantore vir insae beskikbaar te stel.
- 15.6 Lede van die Meentkomitee toe te laat om die Munisipaliteit toe te spreek oor aangeleenthede aangaande Meent Bestuur.

16. SPESIALE STAPPE

- 16.1 Spesiale gebruike kampe te skep en om slegs sekere Meentgebruikers toegang tot sulke kampe te gee.
- 16.2 Om stappe te neem en voorskrifte uit te vaardig by wyse van Skriftelike Kennisgewing vir die beheer en voorkoming van siektes onder die vee, die daarstelling en beheer van ramkampe, onkruidverwydering en erosiebeheer in die algemeen en spesifiek in die omtrek van waterpunte, krale, staanplekke en veepaadjies.
- 16.3 Te enige tyd, sonder kennisgewing die Meent te betree vir die doeleindes van inspeksie en meent instandhoudings werk.
- 16.4 Stappe wat redelikerwys nodig is vir die uitvoering van Bestuursverpligtinge en om vee by mekaar te maak, tatoëer/brandmerke of oormerke te bepaal en die vee van 'n meentgebruiker, of in die algemeen te tel en te verskuif.

17. WYSIGINGS

Die Bestuursplan; hierdie Regulasies, en/of die Weidingsooreenkomste te wysig na behoorlike konsultasie met die Meentkomitee, of in die afwesigheid van 'n komitee, ander verteenwoordigende liggame van die Meentgebruikers.

18. OPPERVLAK-HUUR VIR MYN DOELEINDES

- 18.1 Ten einde uitvoering te gee aan artikel 6 van die Wet op Transformasie van Sekere Landelike Gebiede Wet no 94 van 1998, sal die Raad, of die agent of liggaam, wie die Minister moet adviseer, in alle gevalle met die Meentkomitee konsulteer oor moontlike toekenning van mineraalregte op benutte grond.
- 18.2 Alle besware sal aangeteken word, met inagneming van die bepalings van artikel 6 (2) (a-c) van die genoemde Wet.

19. AFDWINGING EN GESKIL BESLEGTING

- 19.1 Stappe (insluitend regsaksie, die publikasie van name van oortreders kragtens Skriftelike Kennisgewing, ens.) te neem teen Meentgebruikers wat in breuk is met enige van die bepalings en terme hierin uiteengesit.
- 19.2 Te alle tye oorweging te gee aan maniere waarop geskille op informele wyse opgelos kan word.

HOOFSTUK II: VERPLIGTINGE EN BEVOEGDHEDE VAN MEENTGEBRUIKERS EN VOORWAARDES VIR MEENTGEBRUIK:

20. VEE REGISTRASIE, SLUIT VAN WEIDINGSOOREENKOMSTE EN MERK VAN VEE

Alle persone wat vee op die Meent het, moet binne 30 dae, na Skriftelike Kennisgewing deur die Munisipaliteit gegee is—

- 20.1 aansoek by die Munisipaliteitskantoor doen vir die registrasie van vee op die Meent in die Weidingsregister en moet 'n Weidingsooreenkoms met die Munisipaliteit sluit—met dien verstande dat die Weidingsooreenkoms enige vorige reëling tot gebruik van die Meent kanselleer en vervang en dat die gebruiker die Meent slegs in terme van die bepalings van die Regulasies mag gebruik. Die feit dat 'n persoon se naam in die Weidingsregister verskyn of dat 'n persoon in besit is van 'n toekenningsbrief in terme van Wet 9 van 1987 of enige ander wetgewing of reëling, beteken nie dat so 'n persoon geregtig is om die Meent te gebruik, andersins as, en slegs in terme van 'n Weidingsooreenkoms nie;
- 20.2 voldoen aan die vereistes soos deur die Munisipaliteit bepaal aangaande die merk van vee—met dien verstande dat geen vee wat nie gemerk is volgens die voorskrifte van die Munisipaliteit of kragtens Departementele Voorskrifte op die meent mag wei nie.

21. VEEGETALLE

- 21.1 Ongeag enige ander reëlings moet alle Meentgebruikers elke jaar tussen 1 Februarie en 30 Maart die getalle van alle soorte vee wat ouer as ses maande is by die Munisipaliteitskantoor registreer.
- 21.2 Meentgebruikers is nie geregtig om hulle veegetalle te vermeerder nie, tensy skriftelik daartoe ooreengekom met die Munisipaliteit in terme van 'n Weidingsooreenkoms.
- 21.3 Benewens die twee jaarlikse registrasie van veegetalle is Meentgebruikers verplig om enige vermeerdering van vee wat ouer as ses maande is onverwyld by die Munisipaliteitskantoor aan te meld en te registreer en om enige verhoogde fooie as gevolg van sodanige vermeerdering te betaal, onderhewig daaraan dat die gebruiker aansoek doen vir die verhoging van vee getalle en die aansoek toegestaan word. Indien die aansoek nie toegestaan word nie, moet die gebruiker die oortollige vee onverwyld van die Meent af verwyder.
- 21.4 Indien 'n Meentgebruiker se vee verminder word, moet hy dit by die Munisipaliteit aanmeld en is hy slegs geregtig op 'n vermindering in die betaling van die totale Instandhoudingsfooie vanaf die eerste dag van die maand na die datum van aanmelding, mits die vermindering by ooreenkoms in die Weidingsooreenkoms aangeteken word—met dien verstande dat die Munisipaliteit nie verplig is om die blote aangee van 'n vermindering te aanvaar nie en daarop geregtig is om 'n onafhanklike bevestiging van die vermindering te verkry, of self 'n vasstelling te maak.

22. VERBOD OP "ONDERVERHURING"

- 22.1 Geen Meentgebruiker mag sy vergunning om vee op die Meent aan te hou aan iemand anders oordra of afstaan of toelaat dat iemand anders vee in sy naam op die Meent laat wei nie.
- 22.2 As 'n familielid van 'n geregistreerde veeboer die veeboer se vee oorneem in die geval van sy dood of siekte moet die betrokke familielid die Munisipaliteit/Meentkomitee onmiddellik in kennis stel en die nodige dokumente kom teken met dien verstande dat die opvolger in titel geen beter of swakker regte as sy voorganger kry en ten volle aanspreeklik sal wees vir die nakoming van alle verpligtinge en vereffening van skulde.

23. AFSONDERING VAN KAMPE

- 23.1 Geen persoon mag diere laat wei op plekke of in kampe wat deur die Munisipaliteit afgesonder is nie.
- 23.2 Die Munisipaliteit sal nie minder as veertien dae Skriftelike Kennisgewing gee van die sluiting en afsondering van kampe en weiplekke nie waarna alle meentgebruikers hulle diere na afloop van die kennisgewing tydperk moet verwyder na 'n geskikte plek soos aangewys deur die Munisipaliteit.

24. STRUKTURE OP DIE MEENT

- 24.1 Niemand mag sonder toestemming van die Munisipaliteit enige gedeelte van die Meent okkupeer of daarop kampeer of plak of 'n hut, beskutting, kraal of enige soort struktuur daarop oprig nie, tensy so 'n persoon kragtens die Weidingsooreenkoms daartoe gemagtig is nie.
- 24.2 Enige staanplek, hut, beskutting, kraal of enige soort struktuur wat sonder die skriftelike toestemming van die Munisipaliteit opgerig is, kan deur die Munisipaliteit gesloop, verwyder en vernietig word en die eienaar daarvan is aanspreeklik vir enige onkoste deur die Munisipaliteit in verband met sodanige sloping, verwydering en vernietiging aangegaan.
- 24.3 'n Persoon wat sonder die skriftelike toestemming van die Munisipaliteit enige verbetering aan die Meent aanbring het is nie geregtig op enige vergoeding vir die aanbring van sulke verbeteringe nie.

25. PAAIE, ROETES EN TOEGANG

Geen persoon mag—

- 25.1 Afwyk van bestaande paaie en toegangsroetes op die Meent nie, tensy spesiale goedkeuring van die Munisipaliteit of Meentkomitee verkry is.
- 25.2 Op die Meent kom of dit verlaat waar dit omhein is nie, behalwe deur 'n hek wat in die heining aangebring is.
- 25.3 Niemand mag lewende hawe deur 'n heining op die Meent dryf nie.
- 25.4 Enige persoon wat deur 'n hek in 'n heining op die Meent gaan, moet dit deeglik toemaak nadat hy daardeur gegaan het.
- 25.5 Diere oor die persele of grond van 'n ander persoon neem of lei of laat neem of laat lei, sonder die toestemming van daardie persoon of moet langs sulke plekke geneem word soos deur die Munisipaliteit bepaal.

26. OPTREDE OP DIE MEENT WAT GOEDKEURING VEREIS

Die volgende handeling mag slegs op die Meent verrig word mits die voorafverkreepte skriftelike toestemming vanaf die Munisipaliteit verkry is, en onderhewig aan sodanige voorwaardes as wat die Munisipaliteit mag opleë, naamlik—

- 26.1 stene maak of grond of gruis grawe of klip neem of breek of ander materiaal van die Meent verwyder;
- 26.2 draad span of ploeg of op enige ander manier meent weiding beskadig;
- 26.3 groen plantegroei op die Meent afbrand, sny, afkap of op enige ander wyse beskadig of verwyder nie, insluitend brandhout wat nie vir eie gebruik is nie;
- 26.4 jag, skiet, of wild (met die uitsondering van rooikatte en jakkals) agtervolg of versteur of honde toelaat om wild te jag of versteur;
- 26.5 varke laat rondloop. Alle varke moet op hok gehou word en die hokke moet op sulke plekke wees as wat die Munisipaliteit of Meentkomitee aanwys;
- 26.6 wilde bye doodmaak of beskadig;
- 26.7 prospektering, myn en verwydering van enige minerale;
- 26.8 volstruise buite 'n kamp laat loop.

27. VERPLIGTE BEHEER VAN SEKERE DIERE

'n Donkiehings, perdehings of bul bo die ouderdom van 8 maande en 'n ram bo die ouderdom van ses maande moet altyd onder beheer van die eienaar wees op die Meent, behalwe op sodanige plekke of kampe soos in die Weidingsooreenkoms, ooreengekom.

28. INBRING VAN VEE VAN BUITE DIE MUNISIPALE RAADSGBIED

Alle lewende hawe wat van buite die streek ingebring word moet vergesel wees van 'n Gesondheidsertifikaat soos uiteengesit in die Weidingsbestuursplan.

29. VERBOD OP DWARSBOMING EN VERHINDERING

Geen persoon mag 'n gevolmagtigde van die Munisipaliteit of Meentkomitee wat instruksies het om 'n boer se vee bymekaar te maak, te tel en te inspekteer, dwarsboom of verhinder in die uitvoering van sulke take nie.

30. OORTREDING OF VERBREKING VAN REGULASIES EN WIDINGSOOREENKOMS

30.1 Enige vee wat in breuk met die bepalings van hierdie Regulasies, voorskrifte deur die Munisipaliteit, Departementele Voorskrifte of die bepalings van 'n Weidingsooreenkoms op die Meent aangebou word sal deur die Munisipaliteit geskut word – of in terme van die Munisipaliteit se Skut Regulasies, of sonder dat die prosedure van die Skut Regulasies gevolg word, maar kragtens regstappe wat deur die Munisipaliteit of 'n mede meentgebruiker wie se belange benadeel word as gevolg van die breuk of versuim, ingestel word, van die meent verwyder word en in eksekusie verkoop word.

30.2 Iemand wat in stryd optree met-, of versuim om te voldoen aan: die bepalings van hierdie Regulasies; voorskrifte deur die Munisipaliteit; Departementele Voorskrifte; die bepalings van 'n Weidingsooreenkoms, is aan 'n misdryf skuldig en by skuldig bevinding in die Hof strafbaar tot 'n vonnis soos deur die Hof vasgestel, met dien verstande dat enige persoon wie regte benadeel word as gevolg van 'n breuk of versuim daarop geregtig is om 'n kriminele klag te lê.

30.3 Die Munisipaliteit is, bo en behalwe die neem van regstappe, bevoeg om stappe te neem om die gevolge van 'n verbreking reg te stel en die redelike onkoste daaraan verbonde, van die persoon of persone wie daarvoor verantwoordelik was te verhaal, met dien verstande dat waar daar meer as een veroorsaker is, is die Munisipaliteit geregtig om die redelike koste wat aangegaan is om regstellings stappe te neem, om op 'n afsonderlike basis die volle koste van enige een van die verbrekers ten volle te verhaal: Met dien verstande dat die Munisipaliteit eers skriftelike kennis sal gee aan—

'n persoon wat 'n oorlas veroorsaak op die meent of wie se oprede aanleiding gee tot skade aan die meent, die infrastruktuur daarop, die weiding en plantegroei daarop, of die belange van ander meentgebruiker beperk of verminder;

en in die kennisgewing die vermeld wat die probleem is en aan die verbreker of veroorsaker van die oorlas 'n redelike geleentheid gun om die oorsaak van die oorlas te verwyder en/of die skadelike gevolge ten volle te herstel.

31. REGTE VAN INWONERS

Inwoners is geregtig—

31.1 om van redes voorsien te word indien die Munisipaliteit enige stappe neem wat die gebruikers se bevoegdhede om die Meent te gebruik weselik affekteer;

31.2 om te redelike tye insae te kry tot: Weidingsooreenkoms; die Bestuursplan; die Meentregister; maandeliks finansiële state van inkomste en uitgawes betreffende meent Bestuur, jaarlikse Meent Bestuur begroting; die sesmaandeliks Meentbestuurs verslag; die registers, rekords, boeke en verslae aangaande die Meent Bestuur en instandhouding; en notules van Munisipaliteitsvergaderings en Meentkomitee vergaderings;

31.3 'n afskrif van die Weidingsooreenkoms en Regulasies;

31.4 redes indien 'n aansoek om die Meent te gebruik of die vir vermeerdering van vee af gekeur is;

31.5 meentkomitee vergaderings by te woon en onderhewig aan die vooraf verkreeë toestemming van die sekretaris, die vergadering toe te spreek;

31.6 munisipaliteitsvergadering by te woon en onderhewig aan die vooraf verkreeë toestemming van die sekretaris, die vergadering toe te spreek;

31.7 geregtig om in eie naam teen enige verbreker van hierdie regulasie regstappe in te stel vir die verlening van gepaste regshulp deur die hof, insluitend die lê van 'n kriminele klagte soos bedoel in klousule 30.2 hierbo.

AANHANGSEL

WEIDINGS FOOIE VIR DIE CONCORDIA GEBIED

WEIDINGS FOOIE PER KVE PER MAAND

WEIDINGS FOOIE PER GVE PER MAAND

WEIDINGS FOOIE VIR DIE STEINKOPF GEBIED

WEIDINGS FOOIE PER KVE PER MAAND

WEIDINGS FOOIE PER GVE PER MAAND

WEIDINGS FOOIE VIR DIE KOMAGGAS GEBIED

WEIDINGS FOOIE PER KVE PER MAAND OP WET 9 GRONDE OP DIE NUUT AANGEKOOPT PLASE
 WEIDINGS FOOIE PER GVE PER MAAND OP DIE WET 9 GRONDE OP DIE NUUT AANGEKOOPT PLASE
 WEIDINGS FOOIE VIR DIE MEENT GEBIEDE BUITE DIE BOGEMELDE DRIE GEBIEDE
 WEIDINGS FOOIE PER KVE PER MAAND
 WEIDINGS FOOIE PER GVE PER MAAND

WEIDINGSOORENKOMS

Aangegaan deur en tussen:

Die Munisipaliteit van Nama Khoi

en

.....

.....

.....

(Volle naam en permanente woon adres)

ID nommer

(hierna genoem die Meentgebruiker)

Die partye kom hiermee ooreen dat die Meentgebruiker, onderhewig aan die bepalings van die konsep Regulasies waartoe hierby aangeheg is (hierna verwys na as die Regulasies) en deel vorm van hierdie Ooreenkoms (tans in ongepromulgeerde vorm en later, indien gepromulgeer, in daardie vorm, van toepassing):

die volgende getal Kve, en Gve

wat te geen tye, in totaal meer as Kleinvee eenhede mag beloop nie;

wat op die volgende wyse gemerk is, welke merk deur die Munisipaliteit goedgekeur is, naamlik—

wat op die volgende weidings gebied / kamp mag wei, naamlik:

vir 'n aanvanklike termyn van maande, vanaf tot op die Meent aan te hou;

onderhewig aan die stiptelike betaling van 'n aanvanklike instandhoudings fooie van R per Kve en R per Gve, maandeliks vooruit betaalbaar voor of op die sewende dag van elke maand, aan die Munisipaliteit te Nama Khoi;

en na afloop van die aanvanklike termyn, onderhewig aan die sluiting van 'n Ooreenkoms vir 'n verdere termyn en onderhewig aan verdere voorwaardes soos met die Munisipaliteit ooreengekom en soos aangedui word in die Bylae tot hierdie ooreenkoms; - met dien verstande dat die ooreenkoms sal voortbestaan na afloop van die termyn, tensy dit verder hemu, gewysig en/of beeindig word ooreenkomstig die bepalings van die Regulasies.

Die Meentgebruiker—

1. word hiermee gemagtig om 'n tydelike staanplek en kraal te vir die duur van hierdie ooreenkoms op te rig en onderneem om na afloop van die ooreenkoms die oprigting te verwyder;
2. word hiermee gemagtig om die (getal en soort vee..... ramme, ens) in 'n spesiale kamp te te hou vir die duur van hierdie ooreenkoms;
3. erken dat die vee hierin beskryf sy / haar alleen eiendom is;
4. stem hiermee onherroepelik toe dat die Munisipaliteit tydens die duur van hierdie ooreenkoms die instandhoudings-fooie mag verhoog ooreenkomstig die bepalings van die Regulasies en onderneem om die verhoogde fooie ooreenkomstig hierdie Ooreenkoms te betaal;
5. erken dat enige magtiging, toeweging, vergunning of uitstel gegee of verleen in geheel of gedeeltelik deur 'n Munisipaliteits lid, beamppte of enige ander persoon(e), skriftelik of andersins, nie die Meentgebruiker sal onthef van die stiptelike nakoming—, of die Munisipaliteit sal onthef van die stiptelike afdwinging, van enige van die voorwaardes vervat in hierdie Ooreenkoms en Regulasies nie;
6. erken dat enige reg, magtiging, toeweging of vergunning verleen deur hierdie ooreenkoms, behalwe met betrekking tot die getalle vee en termyn soos ooreengekom, sal verval sodra die Munisipaliteit die regulasies formeel afkondig kragtens goewernements kennisgewing, indien die formele Regulasies van toepassing is op die gebied waar die gebruiker se vee wei;
7. sal geen reg hê tot 'n terughouding of vermindering van weidingsfooie, of 'n eis vir skuldvergeljking of skadevergoeding indien enige infrastruktuur of veld op die Meent van so aard is dat die gebruiker nie die aantal vee soos ooreengekom op die Meent of binne die gebied kan aanhou nie;

8. stem toe tot die jurisdiksie van die Landdroshof vir die instel van enige geregtelike stappe ter afdwinging van die terme van hierdie Ooreenkoms in terme van Artikel 28 van Wet 32 van 1944 en, indien die Munisipaliteit enige regsaksie suksesvol beklank, tot die betaling van die Munisipaliteit se regskostes op 'n prokureur en kliënt skaal;
9. onderneem hiermee plegtig om alle bepalings van hierdie Weidingsooreenkoms stiptelik na te kom.

ADRESSE EN KENNISGEWINGS

Die partye kies as hulle onderskeie adresse vir die ontvangs van en vir die uitvoering en betekening van kennisgewings en prosesstukke voortspruitend uit hierdie ooreenkoms by die volgende adresse, naamlik:

Die Munisipaliteit: Nama Khoi Munisipaliteit Kantore, Posbus 17, Nama Khoi, 8240.

Die Meentgebruiker:

Geteken te Nama Khoi op (datum):.....

GETUIES:

1.

2.

Nama Khoi Munisipaliteit

Geteken te.....op (datum):.....

GETUIES:

1.

2.

Meentgebruiker

Bylae ter verlenging van die Weidingsooreenkoms gesluit met (volle naam)
wie geregtig is om vir 'n verlengde periode van maande, vanaf tot
..... die volgende getal Kve, en Gve aan te hou.

Meld indien enige van die volgende aspekte verander het: maksimum getal vee, brand/tatoeër/oor merk; weidings gebied/kamp;
instandhoudings fooi: R per Kve en R..... per Gve; 'n tydelike staanplek en kraal; vee in spesiale kamp
en die plek van die kamp; adres of enige ander spesiale bepaling:

Geteken te Nama Khoi op (datum):.....

GETUIES:

1.

2.

Nama Khoi Munisipaliteit

Geteken te.....op (datum):.....

GETUIES:

1.

2.

Meentgebruiker

Verdere Bylae ter verlenging van die Weidingsooreenkoms gesluit met (volle naam).....
 wie geregtig is om vir 'n verlengde periode van maande, vanaf
 tot die volgende getal Kve, en Gve aan te hou.
 Meld indien enige van die volgende aspekte verander het: maksimum getal vee, brand/tatoeër/oor merk; weidings gebied/kamp;
 instandhoudings fooi: R per Kve en R..... per Gve; 'n tydelike staanplek en kraal; vee in spesiale kamp
 en die plek van die kamp; adres of enige ander spesiale bepaling:

Geteken te Nama Khoi op (datum):.....

GETUIES:

1.

2.

.....
Nama Khoi Munisipaliteit

Geteken te.....op (datum):.....

GETUIES:

1.

2.

.....
Meentgebruiker

Verdere Bylae ter verlenging van die Weidingsooreenkoms gesluit met (volle naam).....
 wie geregtig is om vir 'n verlengde periode van maande, vanaf
 tot die volgende getal Kve, en Gve aan te hou.
 Meld indien enige van die volgende aspekte verander het: maksimum getal vee, brand/tatoeër/oor merk; weidings gebied/kamp;
 instandhoudings fooi: R per Kve en R..... per Gve; 'n tydelike staanplek en kraal; vee in spesiale kamp
 en die plek van die kamp; adres of enige ander spesiale bepaling:

Geteken te Nama Khoi op (datum):.....

GETUIES:

1.

2.

.....
Nama Khoi Munisipaliteit

Geteken te op (datum).....

GETUIES:

1.

2.

.....
Meentgebruiker



*Looking for back copies and out of print issues of
the Government Gazette and Provincial Gazettes?*

The National Library of SA has them!

Let us make your day with the information you need ...

National Library of SA, Pretoria Division
PO Box 397
0001 PRETORIA
Tel.:(012) 321-8931, Fax: (012) 325-5984
E-mail: infodesk@nlsa.ac.za



*Soek u ou kopieë en uit druk uitgawes van die
Staatshoerant en Provinsiale Koerante?*

Die Nasionale Biblioteek van SA het hulle!

Met ons hoef u nie te sukkel om inligting te bekom nie ...

Nasionale Biblioteek van SA, Pretoria Divisie
Posbus 397
0001 PRETORIA
Tel.:(012) 321-8931, Faks: (012) 325-5984
E-pos: infodesk@nlsa.ac.za

Printed by and obtainable from the Government Printer, Bosman Street, Private Bag X85, Pretoria, 0001. Tel: (012) 334-4507, 334-4511, 334-4509, 334-4515
Also available at the **Provincial Legislature: Northern Cape**, Private Bag X5066, Provincial Building, Chapel Street, Kimberley, 8300.
Tel. (direct line): (053) 830-9041 or (053) 830-9222. Fax: (053) 833-1608

Gedruk deur en verkrygbaar by die Staatsdrukker, Bosmanstraat, Privaat Sak X85, Pretoria, 0001. Tel: (012) 334-4507, 334-4511, 334-4509, 334-4515
Ook verkrygbaar by die **Provinsiale Wetgewer: Noord-Kaap**, Privaat Sak X5066, Provinsiale Gebou, Chapelstraat, Kimberley, 8300.
Tel. (direkte lyn): (053) 830-9041 or (053) 830-9222. Faks: (053) 833-1608